

Félagsmálaráðuneytið, kt. 521218-0610, Skógarhlíð 6; UNICEF á Íslandi, kt. 481203-2950, Laugavegi 176, 105 Reykjavík, hér eftir nefnt *UNICEF* og *Borgarbyggð*, kt. 510694-2289, Borgarbraut 14, 310 Borgarnesi hafa gert með sér eftirfarandi

samning

Félagsmálaráðuneytið, UNICEF og Borgarbyggð eru sammála um að ganga til samstarfs um framkvæmd verkefnisins *Barnvæn sveitarfélög*. Verkefnið felst í því að Borgarbyggð innleiði Sáttmála Sameinuðu þjóðanna um réttindi barnsins (hér eftir nefndur Barnasáttmálinn) samkvæmt hugmyndafræði *Barnvænna sveitarfélaga*, sem er liður í framkvæmd verkefnis Barnvænt Ísland. Framkvæmd innleiðingarinnar er í höndum Borgarbyggðar með reglulegum og vel tilgreindum stuðningi félagsmálaráðuneytisins og UNICEF í formi fræðslu og ráðgjafar, sem nánar er kveðið á um í viðauka með samningi þessum.

Að sveitarfélag innleiði Barnasáttmálann þýðir að það samþykki að nota hann sem viðmið í starfi sínu og að forsendur hans séu leiðarstef í starfsemi þess. Við innleiðinguna rýna starfsmenn og kjörnir fulltrúar ákvarðanatökufæri sveitarfélagsins með hliðsjón af Barnasáttmálanum, gera aðgerðaáætlun og koma í framkvæmd viðeigandi breytingum. Barnasáttmálinn er þannig nýttur sem gæðastjórnunarverkfæri í stefnumótun og þjónustu með tilliti til barna.


Gert er ráð fyrir að innleiðingarferlið standi yfir í tvö ár, frá mars 2020-2022. Að loknum þeim tíma getur Borgarbyggð hlotið, að uppfylltum forsendum verkefnisins, viðurkenningu frá UNICEF fyrir að vera *Barnvænt sveitarfélag*. Viðurkenningin er endurnýjuð á þriggja ára fresti af UNICEF, sem gerir úttekt á innleiðingarvinnunni. Við úttekt þarf Borgarbyggð að sýna fram á að innleiðingarvinnunni sé við haldið og að sveitarfélagið hafi árlega uppfært aðgerðaáætlun sína fyrir innleiðingu Barnasáttmálans samkvæmt hugmyndafræði *Barnvænna sveitarfélaga*.

Greiðslur vegna fræðslu og ráðgjafar UNICEF til Borgarbyggðar í tengslum við verkefnið eru greiddar af félagsmálaráðuneytinu í gegnum núgildandi samstarfssamning milli ráðuneytisins og UNICEF. Borgarbyggð greiðir UNICEF 500.000 kr. skráningargjald við upphaf samningstíma.


Aðilar samkomulagsins lýsa með undirritun sinni yfir vilja sínum og ætlun um að viðhafa gott og náð samstarf með réttindi og velferð barna í Borgarbyggð að leiðarljósi. Ef upp kemur ágreiningur vegna samnings þessa skulu báðir aðilar reyna að leysa hann í sátt. Að öðrum kosti verði farið með deiluna fyrir Héraðsdóm Reykjavíkur.

Borgarbyggð, 3. mars 2020.


f.h. UNICEF á Íslandi


Bergsteinn Jónsson

f.h. félagsmálaráðuneytisins


Ásmundur Einar Daðason

f.h. Borgarbyggðar


Magnús Smári Snorrason

Vottar:

(Faint handwritten text)

Barnvæn sveitarfélög

Yfirlit yfir ráðgjöf og fræðslu

Starfsfólk UNICEF og félagsmálaráðuneytisins veita umsjónarmanni og stýrihópi verkefnisins í Borgarbyggð, kjörnum fulltrúum og starfsmönnum ítarlega ráðgjöf og fræðslu, líkt og útlistað er hér að neðan. Fræðslan fer meðal annars fram á námskeiðum og með erindum sem skipulögð eru í samráði við umsjónarmann eða stýrihóp verkefnisins. Sveitarfélaginu stendur jafnframt til boða gögn og fræðsluefni sem starfsfólk þess getur nýtt sér við innleiðinguna: Ítarleg handbók fyrir líkanið, spurningalista, gátlista. eru öll þessi gögn sveitarfélaginu að kostnaðarlausu. Við undirritun rukkar UNICEF 500.000 kr. skráningargjald, en ekki verður innheimtur frekari kostnaður vegna verkefnisins á samningstímanum vegna fræðslu og ráðgjafar við innleiðingu verkefnisins, sem tilgreind er í eftirfarandi liðum.

1. Skref – Staðfesting þátttöku

- Kynningarfundur haldinn með kjörnum fulltrúum, sviðsstjórum og forstöðumönnum stofnana áður en formleg ákvörðun um þátttöku er tekin í bæjarstjórn.
- Sveitarfélaginu útvegað kynningar- og fræðsluefni til að kynna verkefnið frekar innan stjórnkerfisins.
- Heilsdags námskeið fyrir stýrihóp, kjörna fulltrúa, sviðsstjóra og umsjónarmann verkefnisins.
- Ráðgjöf veitt stýrihópi verkefnisins og starfsmanni þess.
- Viðburður skipulagður ásamt sveitarfélaginu þar sem formleg yfirlýsing er undirrituð um vilja sveitarfélagsins til að gerast barnvænt sveitarfélag.

Ráðgjöf og önnur vinna starfsmanna UNICEF og félagsmálaráðuneytis (6 klst):

2. Skref – Kortlagning og samtal

- Ráðgjöf við fyrirlögn á spurningalistum fyrir börn og fullorðna í sveitarfélaginu.
- Aðgangur að spurningalistum.
- Ráðgjöf við úrvinnslu á spurningalistum
- Ráðgjöf og undirbúningur við skipulagningu ungmennapings.
- Ráðgjöf til stýrihóps varðandi úrlausnir á gátlistum sem hópurinn fyllir út.
- Ráðgjöf við val á samráðshópum sem skoða sérstök málefni út frá kortlagningunni (sérfræðihópar barna, fagfólks og foreldra).
- Ráðgjöf vegna samráðs við börn sem tilheyra viðkvæmum hópum (siðferðisleg álitamál og framkvæmd).
- Ráðgjöf vegna samstarfs við ungmennaráð.

Ráðgjöf og önnur vinna starfsmanns UNICEF og félagsmálaráðuneytis (20 klst)

3. Skref – Fræðsla

- Hálfsdags námskeið fyrir ungmennaráð sveitarfélagsins.
- Tveggja klukkustunda námskeið sem eru sérsniðin að hverju sviði sveitarfélagsins.

4. Skref – Aðgerðaáætlun

- Ráðgjöf við gerð aðgerðaáætlunar.

Ráðgjöf og önnur vinna starfsmanns UNICEF og félagsmálaráðuneytis (16 klst):

5. Skref – Framkvæmd

- Tvö heilsdags námskeið fyrir um þrjátíu manns í hvert skipti fyrir starfsmenn sviða og stofnana sveitarfélagsins. Miðað er við að bjóða einum starfsmanni frá hverju sviði og stofnun að gerast sérstakir tengiliðir við verkefnið. Þeir geti í kjölfarið frætt samstarfsmenn sína og stuðlað að verkefnum innanhúss hjá sér sem eru í anda Barnasáttmálans. Áhersla er lögð á að ná til stofnana og sviða innan stjórnkerfisins sem vinna dags daglega með börnum og ungmennum en einnig sviða sem hafa ekki augljósa tengingu við börn, t.d. fjármálasvið, skipulags og umhverfissvið og eignaumsýsla.
- Ráðgjöf við ýmsa þætti sem upp kunna að koma upp við framkvæmdina (miðað við 15 klst).

Ráðgjöf og önnur vinna starfsmanns UNICEF og félagsmálaráðuneytis (15 klst).

6. Skref – Skýrsla

- Yfirferð á skýrslu stýrihópsins um framgang innleiðingarinnar.
- Fundur með stýrihópnum þar sem farið er vandlega yfir skýrsluna.

Ráðgjöf og önnur vinna starfsmanna UNICEF og félagsmálaráðuneytis (18 klst):

7. Skref – Mat og viðurkenning

- Mat á framkvæmd verkefnisins, út frá skýrslu stýrihópsins og fundi með honum (tveir starfsmenn sinna matinu).
- Viðburður í tengslum við viðurkenningu, í samstarfi við sveitarfélagið.

Ráðgjöf og önnur vinna starfsmanna UNICEF og félagsmálaráðuneytis (20 klst):

8. Skref – Endurmat og ný markmið

- Að þremur árum liðnum getur sveitarfélagið sótt um nýtt mat til að viðhalda viðurkenningunni sem barnvænt sveitarfélag.

Ráðgjöf og fræðsla umfram þessa áætlun er innheimt samkvæmt verðskrá og samtali við starfsfólk verkefnisins, og skulu hafa hlotið samþykki beggja aðila með formlegum eða rekjanlegum hætti.